

條例備考

禮部

卷之一

漢書門類			
九	二	四	六
一	〇	八	〇
函	架	冊	冊



內閣文庫			
九	九	漢	
〇	二	書	
三	〇	類	
架	冊	號	類

內閣文庫		
番號	漢	9246
冊數	24	( 9 )
函號	296	80

共二十四



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



儀禮考卷之一目錄

禮部

慎選考官 一

王府許奏有司小過 二

詆訾程朱 三

正曆元 四

節婦未旌病故 五

朝覲官餽送 六

朝祭之期 七

陸殿之期間朝 八

年者歲真 九

災異修省 十

修理應祀神廟 十一



陸九淵從祀 十二

正孔子祝文牌額 十三

復歲貢舊例 十四

私自箝劄 十五

革冒年以教士 十六



禁乞試以振士節 十七 崇禮待以養士氣 十八

旌表節婦免覆勘 十九 就近鄉試 二十

請革魚鮓 二十一

歲貢廷考不中連坐提學 二十二

議請封 二十三 禁奸弊 二十四

便關領 二十五 杜請乞 二十六

定條例 二十七 議王謚 二十八

懷遠人 二十九 處貢馬 三十

貢夷稱王 三十一 請禁沙汰生員 三十二

領勅繳勅不免朝 三十三 辭免賞賜 三十四

陵寢祭祀 三十五

條例備考卷之一

禮部

慎選考官

一嘉靖元年正月內禮部題為嚴選考官以圖得  
 人事該監察御史向信題稱各處鄉試考官聘  
 取之時巡按多執已見或因親朋不論老耄荒  
 疎輒行聘取以致取人不真乞要慎重選取等  
 因本部覆奉

欽依通行各省巡按御史今後聘取考官及考官取  
 士悉照本部節年題

准舊例施行

王府訐奏有司小過

一嘉靖元年九月內禮部題該

岷王彥汰奏為民牧欺慢

朝廷擅改

詔旨塗抹

帝號大不敬事奏劾寶慶府知府楊淳塗抹詔旨

等因該本部看得岷王所奏知府楊淳若果

如所言不為無罪但恐因

詔書一到該行王府及所屬非止一處倉卒騰

黃慮恐稽遲致使字樣潦草傍註添改情有可

原查得寶慶府與岷府地方甚近凡公私事

務相干有司近日訐奏楊淳事情見該都察院

奏行湖廣鎮巡等官勘問未結法當迴避不宜

撫拾小過上瀆

宸聰况該府頻年以來收畱無賴生事害人府縣歛

手地方嗟怨先年妄奏欲行視學習射該本部

查無舊例已經立案今又肆無忌憚動輒奏言

參照內外輔導等官不能以理諫阻乃復從諛

成事合當究治及照

岷王聽信本府下人致生多事細摘有司小失煩瀆

天威似應請 勅戒諭令其自新以保祿位等因題奉

聖旨是楊淳騰黃差誤顯是不謹見因別事勘問待問結之日一併來說 岷王撫拾小過動輒具奏輔導等官不能以理諫阻也當查究都饒這遭你部裏還各行文書與他每知道欽此

詆訾程朱三

一嘉靖元年十月內禮部題該禮科給事中章僑

奏為崇正學以圖治理事內稱三代以下論學正莫如朱熹近世以來有等倡為異學之徒大率取陸九淵之簡便憚朱熹為支離甚者以朱熹為好名文章為腐爛等因又該監察御史梁世驃奏稱自古道學之傳至宋儒朱熹可謂大明矣近年以來以陸九淵為尊德性以朱熹為支離槩多可醜俱乞行提學痛革等因本部議得二臣之言深切時弊有補風教合候命下通行各處巡按御史及兩京提學御史各行提學官并司府州縣刊榜曉諭一應生儒人等務

禮部考一  
崇正學刮去浮糜以趨篤實毋惑怪異之說毋  
習簡便之私毋作矯偽之行毋尚艱險之文但  
有詆訾先儒厭棄經史忽古聖之遺規求真知  
於一蹴著書立論與程朱相背戾者即是心術  
不正官府察知亟爲禁治主司校閱慎勿收錄  
等因題奉

聖旨你每都說的是

祖宗朝表彰五經頒降勅諭正欲崇正學迪正道端  
士習育真才以成正大光明之業百餘年間人材  
渾厚文體純雅近年以來士習多有詭異文辭務  
爲艱險不無有傷治化儉部裏便通行各該巡按  
提學官出榜曉諭嚴加禁約教人取士一遵程朱  
之言但有叛道不經之書不許私自刻板互相傳  
習致悞初學其餘俱依擬行欽此

正曆元四

一嘉靖二年九月內禮部題該光祿寺少卿華相  
奏爲正曆元以定歲差事奏稱乞賜 中秘所  
藏曆學之書并

國朝曆法及選諸曉本業善於書筭者觀象推測  
等因本部議擬合行兩京并直隸各省各撫按

并布按二司及各府掌印官多方訪求能知曆理書筭算法及靜深巧智如楊子如邵雍許衡郭守敬等方許奏保再照中秘所藏曆學之書應否領讀等因題奉

聖旨是秘書罷欽此

節婦未旌病故

五

一嘉靖四年二月內禮部題為旌表事查得節年卷內凡節婦該有司具奏到部行勘覈實案候類奏旌表間有覈實到部者或病故不與旌表緣查節婦必須年三十以下守節至五十以上

者志行已定方許有司具奏但中間行勘并風憲官覈實往返經年加之官吏里胥刁蹬又不可以歲月計也所以一經行勘之後回文未及到部遂致抱節而死者容或有之此其平生志行堅定不獲表彰良可矜恤况奉

明詔訪求特加旌表無非激勸風俗之盛典也合無今後節婦但係風憲官覈實到部者雖以病故應同見在亦准類奏旌表等因題奏

欽依准議行欽此除欽遵外伏覩嘉靖三年四月十九日真烈詔書內一款孝子順孫義夫節婦



禮部卷一  
有司開其實跡奏聞以憑旌表不許里書人等  
指勒刁難致令無由上達若守節年久果有貞  
烈實跡例該旌表而身故者一體奏

聞舉行欽此欽遵今照各處有司援此將遠年已故  
孝子節婦一槩具奏乞要旌表今若不拘久近  
則自洪武永樂年間已故孝子節婦皆來奏擾  
有礙舊例相應再為酌處覆奉

欽依今後除正德十六年以前身故者為舊例所拘  
仍舊不准旌表其嘉靖元年以後民間果有孝  
子順孫義夫節婦未經有司具奏病故者遵照

詔書內事理許其一體奏聞舉行照例旌表

朝覲官餽送六

一嘉靖六年十月內禮部題為革貪風以隆

聖治事題稱乞要禁革朝覲官員餽送土儀剝削  
小民奉

聖旨朕覽卿先今所奏無非革貪風以隆治道之意  
近年以來委的貪墨成風在外官員剝下奉上民  
窮財盡實由於此都察院便通行嚴加禁約今後  
朝覲進表官員再有似前科歛小民財物饋送  
人的在外著巡按御史在內著緝事衙門糾察緝

訪雖不得入已亦坐贓論罪大臣係百寮表率尤當嚴於自治以遠嫌疑勿得自損名節該衙門知道欽此

復定衮冕章服七

一本年四月內大學士楊 題為祭服事題稱奉勅內閣朕惟齋明盛服以供祭祀國之重典而祭服乃章之重焉今衮冕之服祭服也被之以祀天享

祖其所關豈小小哉且聞衮冕之制玄衣黃裳所以象天地之色也衣六章曰日月星辰山龍華蟲

裳六章曰宗彝鐘虎火藻粉米黼黻各有取義乃古今弗易之制亦我

聖祖之制也柰何司造之官罔諳典制遂失其真近因與少傅大學士張聰論及已具有圖註茲特勅卿等可將圖註會同禮部翰林院叅以禮科詳議天可具奏更正夫茲舉也實出朕意非聰之獻天諂君有問其臣不敢不以正對如有真識高見當坐咎于予一人勿得乘是而毀我忠良卿等悉心具對若有不同者各具以聞欽此臣等會同各官伏讀

聖諭詳閱圖說有以仰規

皇上考古之精議禮之當真

大聖人之制作出於尋常萬萬也竊惟衮冕之服

天子所以祀

天享

祖承上下神祇與他服不同誠至重焉者也自黃帝

虞舜以來玄衣黃裳制為十二章之式日月星

辰山龍華蟲其序自上而下為衣之六章宗彝

鍾虎粉米黼黻其序自下而上為裳之六章自

周以後寢變其制或八章或九章已戾于古漢

唐宋歷代以來則愈失其義無足言者矣至我

太祖高皇帝復定為十二章之制司造之官乃徇襲

近訛弗諳古義遂至失真誠非

太祖制作之初意恭惟

皇上博稽古典洞見精微遠會吾

聖祖之心據今之訛一舉而正之使皆循于古象不

失乎乾坤之義而凡 聖意之所以遠合乎唐

虞者臣聰圖註之文發揚殆盡

皇上廣大謙虛猶欲令臣等會同詳議臣等知而不

言真有負

皇上舍已從人樂取為善之心但思茲制至精至當  
燦然明備稽諸古帝而弗悖質諸

聖祖而有光侯之百世而不惑夫豈自用其聰明而

故為變更者乎易訛就正道理當然無以易此

聖祖臣等分當効忠而今委不容有一毫異議也伏

乞

皇上聖斷不疑將內閣所藏圖畫一一更正仍

勅令禮部通行天下各王府及內外百官朝祭之

服其上衣下裳一體改正及

勅工部轉行內外織造衙門今後照依

欽定制式俱行改造毋得因仍舊謬則

聖制昭明而萬代永有遵守矣等因題奉

聖旨卿等既會看詳議停當便着欽天監擇日更正

製造各王府并文武百官及在外官員着一體

更正禮部知道欽此

點開在朝官員

一嘉靖七年十月內禮部題該鴻臚寺左少卿王

道中等題為朝儀事仰惟

皇上每日視朝御奉天門侍班御史序班咫尺

天顏如遇文武官員數少得以百糾至於每月朔

禮部 望及奏祭祀日期

皇上御奉天殿侍班官員俱在冊陛之下東西序立  
難以

面糾及至具本糾劾則百官俱散緩不及事以此因  
襲日久各衙門官員凡遇

陛殿之日勤於 朝參者固多而偷安一時不行  
朝參者亦不為少乞望

天語叮嚀戒諭各衙門官員以後凡遇朔望及奏祭  
祀 陛殿之日務要依期 朝參等因抄呈到  
部看得本官題稱乞要著為定例許御史序班

照依 殿內奏事復 命事例徑赴

御前從實糾舉本寺與錦衣衛堂上官趨候  
明旨處斷俟出

奉天門外公同吊取門籍文簿逐一查點及要許  
御史序班具本指名劾奏一節查得本年九月  
內該給事中王汝梅題亦為前事節該奉

聖旨這本說的是近來在朝官朔望日多不

朝參好生不謹禮部便通行各衙門省諭今後再  
似這等朕別有區處該各衙門知道欽此欽遵已  
經通行去後今左少卿王道中復有此奏臣等

切惟

皇上御門親政百官朝 參員數多寡昭然在列然

必鴻臚寺高唱奏事然後御史序班敢向

御前回糾隨奉

明旨點查請究此

舊典也若遇朔望及奏祭祀

陛殿之日百官卽有失儀者亦必具本參奏不敢

面糾見今查

大明會典亦只云文武官遇

陛殿有違越失儀者從監察御史儀禮司糾劾中

間並不會言劾及他事亦並無

面糾之辭何也蓋朔望非奏事之期 殿陛極尊嚴

之地故惟重體勢之高而暫畧煩瑣之務其與

御門之時實為不同

祖宗設立儀法深有至意今 陛殿之日若許其

面糾則一二小臣得以擅入禁地近觸

天顏恐傷體勢若只具本指名劾奏所指安得其真

而是非混淆挾詐遂起末流有不可禁者前項

二條俱

舊章所弗載難便擬行但臣子之職惟勤為最先朝

參之禮不可以少怠近者常朝官員因循玩愒誠亦有之凡遇

陛殿之期至於朔望亦往往不肯赴朝上塵

聖諭下動論列實諸臣之罪也臣等請自今後凡遇

朔望及奏祭祀陛殿之日朝參官員不論多

少

皇上間出不意特旨宣諭鴻臚寺官許令公同錦

衣衛官俟駕退之後吊取門籍文簿朝參

各官俱出

奉天門外金水橋邊聽候逐名查點不到者奏

請罰治不必付諸糾劾以起事端則天威不測大

震疊乎庶工體勢愈尊用克存乎舊典朝綱

振肅而怠玩俱知所警矣奉

聖上日是欽此

年老歲貢九

一嘉靖七年十月內禮部題該監察御史秦武題

為清名器以光聖治事內稱年老歲貢乞要

定處及禁革在外儒士名色影射差役等因本

部議擬覆奉

欽依通行各處提學官自嘉靖八年分以後考取歲

貢生員果有容貌衰老文理不通三次不能中  
選年六十以上者不准起貢即便類名到部奏  
給冠帶以榮其身及行各巡按御史看落府州  
縣衛所遵照本部節行禁革寄名儒士如有不  
係本部題准考取名類自稱為辯印儒士者即  
係詐偽俱照例一槩從重究治

災異脩省 十

一嘉靖八年十月內禮部題為類奏災異事內稱  
寧夏等衛地震等項災異奉

聖旨卿等說的是這各地方災異委的重大君臣上

下所宜一體脩省事關朕躬知道了內外大小臣  
工亦各宜體國奉公痛加懲艾以盡消彌之道欽  
此

修理應祀神廟 十一

一嘉靖九年十月內禮部題該巡按山東監察御  
史熊榮題為欽奉

勅諭事內稱祀典神廟天下俱當修理一新等因該  
本部議擬題奉

聖旨是這各地方應祀神廟載在祀典的依擬便着  
有司修理但近年以來有等在官姦民專一阿奉



禮音卷一  
鎮巡司府州縣等官不問賢否一槩蓋立祠堂去  
思碑亭并私剏庵院淫祠等項科歛小民侵欺入  
已爲害多端都察院便行各該巡按御史親臨地  
方逐一查出拆毀變賣以備修理前項應祀神祇  
廟宇仍將拆毀變賣過錢糧及修理過數目造冊  
奏報不許別外科歛欽此

陸九淵從祀

十二

一嘉靖九年十二月內禮部題該行人司司正薛  
侃奏爲重文廟正祀典以敦化理事奏稱宋儒  
陸九淵生而清明學術純正四歲侍父遇事物  
必致問一日問天地何所窮際父笑不能答及  
長讀書至上下四方曰宇往古來今日宙忽大  
息曰宇宙內事即吾分內事吾分內事即宇宙  
內事又曰宇宙便是吾心吾心即是宇宙東海  
有聖人出此心同此理同也千百世之上千百  
世之下有聖人出此心同此理同也蓋實見人  
心之妙而能以天地萬物爲體者也自孟子沒  
而心學晦至宋周敦頤程顥追尋其緒九淵繼  
之心學復明故所至從游雲集雖鄉老長俯首  
聽誨當時呂祖謙張栻輩莫不悅服今諸子皆

已從祀而九淵獨未從祀蓋以蚤歲嘗與朱熹  
論說不合故其徒遂擠之為禪臣考九淵赴荆  
門時朱熹延入白鹿洞講喻義利之旨僚屬諸  
生聽者為之流涕熹亦嘆服以為不及且請筆  
之書又自為之跋以為不迷於入德之方則其  
非禪明矣夫禪空寂其心者遺人倫棄物理要  
之不可以治天下國家也使九淵之學若是則  
誠禪矣然其書具在可考如曰惟天下之至一  
為能處天下之至變曰先立乎其大者曰學莫  
先於義利之辯則皆孔子孟子之旨也此豈空  
寂其心者哉曰某何嘗不理會文字但理會與  
人別耳曰人情事勢物理上用功曰已德明然  
後推其明以及天下此豈遺棄倫理者哉况荆  
門之政可驗躬行之效則見於賢相之稱超然  
獨契乎本心以俟聖人百世則見於名儒之贊  
而宋朝議謚文安亦極尊美之詞及先儒吳澄  
許衡

國朝名臣程敏政席書皆有選述每稱其學之純  
獨陷於記誦詞章而莫自覺者乃以躬行實踐  
為近禪則世學之悞也不然天下豈少文學之

士而為臣未必皆忠為子未必皆孝士習未必皆正民風未必皆淳者何哉止以不求諸心不能實踐之過也仰惟

皇上復古正人心變士習如九淵者乞

賜贈從祀風示四方使學者反諸心以精利義之辯篤於行以成淳厚之風則善人多而天下治等因抄呈到部看得薛侃奏稱陸九淵質本清明學由自得見道晚同於朱喜超悟蚤稱於諸子其於聖人之道不無羽翼之功祀典又缺人心缺望恭遇

皇上崇道古文釐正祀典則陸九淵之從祀實為相應伏乞

聖明裁定奉

聖旨是依擬行欽此

正孔子祝文牌額 十三

一嘉靖十年正月內禮部題為祀典事照得啓聖公祭享近該本部會官議擬別立一祠以顏無繇曾點孔鯉孟孫氏配享以程珦朱松蔡元定從祀亦有

外所據國子監別立啓聖公祠宇合

命官前去本監札祝相應地方營建擇日興工仍行  
翰林院撰祝文祠額應用再照先師孔子名號  
已正其祝文舊稱惟王今合改稱惟師及舊額  
大成殿大成門今皆撤去牌額宜照大門舊用  
文廟二字通行天下遵守則事歸一矣奉

聖旨先師廟堂題曰

先師廟門曰廟門孔氏祠曰啓聖祠餘依擬行欽此

復歲貢舊例 十四

一嘉靖十一年正月內禮部題為歲貢生員事查  
得先年事例凡天下府衛州縣遇該貢之年提

學官將各學廩膳及優等生員各照食糧入學  
年數揆取年深者二人考中一人起送赴部奏  
請廷試若初試不中者遣復原學停廩肄業次年再  
復試不中者充吏如患病丁憂等項候其病痊  
服滿之日查無違限託故情弊仍准收考有司  
貢不依期者以違

制論又查得嘉靖六年該國子監祭酒嚴 題為查  
復舊規以惠養生徒事本部覆題奉

聖旨今後提學官考選貢生員照依食糧次序挨取  
四人陪考務要通曉文理方許起送克貢欽此嘉

靖十年九月內該巡按直隸監察御史胡明善  
題為申明學政事本部覆題今後歲貢生員每  
處提學官徑自考送不必會同巡按二司其起  
送應貢者每歲考之時即行詳定如廩膳考居  
一等之內不拘名次仍查食糧年深者起送一  
人如無人才去處一等無人方許於二等內十  
名以前起送等因奉

聖旨這歲貢生員即兩京國學缺人數多各衙門撥  
用不敷准照例開貢二年還行與各處提學官員  
嚴加考選不許冒濫其餘准擬欽此本年十二月

內該都察院右僉都御史史道題為

請復歲貢舊治以通利人才事案呈到部看得都御  
史史道所奏其言通達事體曲盡人情殊為有  
見本部先因提學御史胡明善所奏本部定擬  
考居一等二等三等四等之說似為立例太繁  
合無遵照

祖宗舊規今後每年歲貢止以廩膳生員食糧年深  
者克貢每遇該貢之年有司起送止許正貢一  
人陪貢一人提學官處考定一人起送赴部不  
必如近年事例加添四人五人送考徒滋凌奪

奔兢之弊虛費道路奔走之勞其考貢不中愿告衣巾終身聽於提學道應貢到京願告冠帶榮身者聽本部俱照例准行等因奉

聖旨是這歲貢生員事例你部裏既議停當都只着照舊行便行文與天下知道再不許紛更奏擾欽此查得今年貢到歲貢生員有照通學會考不拘廩增附生起送者有照考居一等年深廩膳起送者有照正貢一人陪貢一人各取起送者前項人數事例雖有不同俱係各府衛州縣該貢人數雖各所司考送之法不同然奉行事例則一既經查審明白相應一體收考以後年分自當欽遵

明旨照舊舉行等因奉

聖旨祖宗設立貢法每歲例選入貢務要人物厚重通經能文的後來却只依食糧淺深挨貢以致年老關茸的克塞正途嘉靖十年正月內你部裏遵奉

聖旨議處會考已有明旨了今次各項貢到生徒且都准收考內有重複的還將會考過的留考以後只查前旨行欽此

私自簪剃 十五

一嘉靖十年閏六月內禮部題該監生萬民奏為  
 培軍伍植民脉杜異端以正人心興教化以固  
 邦本事奏稱天下軍民逃避差役却乃私自簪  
 剃投入寺觀為僧道乞要立法但有一童私自  
 簪剃全戶連坐等因本部議擬通行緝事衙門  
 巡視御史轉行各該府州縣嚴加禁約寺觀不  
 許仍收行童私自簪剃寄名出家逃避差役如  
 有私剃寺觀庵院即與拆毀入官亦不許與人  
 修齋設醮并奏青詞燃點天燈等項仍照依近

奉

勅諭事理僧道除正額府不過四十名州不過三十  
 名縣不過二十名外其餘有度牒者化正還俗  
 無度牒查革為民當差仍具化革遍及有無緣  
 由巡按御史奏報查考等因奉

聖旨這僧徒已有勅諭着行各府州縣化正還俗別  
 着行撫按官查考具奏餘依擬通行禁約欽此

革冒年以教士 十六

一嘉靖十年閏六月內禮部題該兵部主事王學  
 益奏為祛弊習以正士風事奏稱忠臣之事君

當無所不用其忠竊見各色待用人員所報年  
歲一進仕途從實寫者無幾多有飾虛者往往  
公然減年詭報相習成風恬不知恠今已數十  
年矣臣以為此其事若小而實有關於治體者  
也夫人之有生可知而不可改者也而自其為  
士者欺慢如此則其他日綜覈名實又何以施  
焉且其減年之意不過以冀他日衰邁猶得免  
於見黜耳以是心而從政其能使戒之廉得乎  
臣以為此風之不正是長偽之端也等因本部  
依擬通行天下提學官將一應應試生儒并行

兩京國子監備查各生年歲務要從實開報不  
許隱瞞違者重治

禁乞試以振士節 十七

一禮部題該主事王學益奏稱臣聞士之仕也所  
以行其義也今士之就試雖非古者鄉舉里選  
之意而進退賢否一聽於上猶有古之道焉竊  
見各該生儒人等有見屈於提學而不得應試  
者往往百十成群自赴該管官司百計哀求士  
節蕩然可賤甚矣夫此士也雖有才美或見屈  
抑而自其乞哀之心則他日為政亦將患得患



失無所用耻世何賴焉臣以為此風之不正是  
導士以奔競也乞要今後生儒人等但有不由  
提學官考取自赴乞試者俱不許市恩濫收應  
試等因本部看得乞求覆試固非美行但提學  
官取士能必無一二遺失若非陳乞收試則或  
有出類之才不得與青錢之選矣其有才本庸  
下主司不取而混求考試者相應禁約合行天  
下提學并巡按御史等官徑自查取

崇禮待以養士氣 十八

一禮部題該主事王學益奏稱臣聞古之進士也

曰以賓禮禮之使賢者不難於用世昔我

祖宗科舉之法設有巡綽搜檢之官所以稽察奸弊  
云耳而各該監臨等官往往推行太過至有將  
生儒人等搜髮垢面裸體跣足不同於人道者  
賤之甚矣凡有士氣如此莫不沮喪臣以為此  
風之不正示士以可辱也乞要今後應試生儒  
人等止許舉察衣冠以禮進入各該巡綽搜檢  
人等止許舉察奸弊等因本部看得待士固當  
有禮而防範不可不嚴懷挾之例可畏重矣而  
因襲之弊往往有之若入試搜檢至於脫巾散

髮裸體跣足亦非所以待士也合行天下監臨等官於防檢之時少寓禮遇之意如有懷挾等項照例從重處治

旌節孝以免覆勘十九

一嘉靖十年十月內禮部題為旌表節孝事查得本部節年稿簿內開凡民間孝子順孫義夫節婦等項見行事例先據有司具奏到部仍行有司覆勘回文至日復行彼處風憲衙門覈實取具結狀到部案候類奏旌表中間多有六七十歲以上年已衰邁而文移勘覆動經數年寵光未沐已先朝露蓋有抱節操行終身不獲表異之榮者臣等看得旌表節孝事例實為

朝廷激勵風俗之盛典所以必行再三覈勘者恐有偽為無非欲考其實耳然至於文移展轉動淹歲月吏緣為奸恩不下究亦不可不為之所也覆奉

欽依今後凡民間孝子順孫義夫節婦等項但係有司勘實具奏者免其復勘徑自風憲官覈實若風憲官覈實具奏者免其再覈候每季終類奏旌表一次

就近鄉試 二十

一嘉靖十年十月本部題該遼東都司等衛儒學生儒徐潮等奏要改赴順天府應試等因本部看得遼東都司衛學應試生員先附山東多係緣海道之便今海道既塞陸路遼遠往返至有六千餘里貧生寒士裹糧挾策奔走長途動經數月委於人情不便今欲改附近順天府應試又與潼關之附陝西宣府之附順天府體相同况節該衛學生員徐潮等陳奏頻煩情詞如一似應俯從但係奏改就近科舉地方既已更屬解額未免有拘臣等查得近該直隸提學御史胡明善題稱德州等衛提學教官皆屬山東惟生員乃為提學御史所轄乞要建學起貢等因該本部覆題奉

聖旨是依擬行欽此已經行令欽遵去後今照遼東衛學遠去山東六千餘里乃使越過順天而附山東科舉德州左等衛學本是山東地方而科舉乃反附於順天事體人情通屬未便相應議處臣等合候

命下行移山東布政司及咨都察院轉行直隸提學

命下并遼東巡按御史知會今後德州左等衛儒學  
 聽山東提學官管轄就山東布政司應試遼東  
 科舉生儒遼東巡按御史考送順天府鄉試其  
 德州等衛建學起貢事宜本部移咨都察院改  
 行山東巡按御史查照先奉  
 欽依事理施行則不惟解額無拘而人情事體兩得  
 便益奉

聖旨是依擬行

請革魚鮓二十一

一嘉靖十一年二月內題該巡撫湖廣右副都御

史林 為議處進貢魚鮓以蘇民困事內稱本  
 鎮進 貢鮓魚等魚鮓共該銀二千四百有奇  
 今照本省鎮守太監巴革湖廣地方水旱相仍  
 加以修理

顯陵地方凋瘁乞

勅該部早為計處裁革等因本部行據光祿太常二  
 寺手本回稱該省原無此等進

貢則知前項魚鮓不係該寺額辦顯是本省鎮守  
 太監先年私自造以進 獻於

上者也但進 貢魚鮓一物出於當時守臣一念芹

曝之忱而遂成舊例常年供辦所據各官欲將前項進貢魚鮓盡行裁革以寬民力合無行移撫按官查照前項魚鮓自嘉靖十一年為始免其進貢等因題奉

聖上曰這魚鮓着照舊進貢欽此

歲貢廷考不中連坐提學 二十二

一嘉靖十一年六月內禮部題該大學士張孚敬李時翟鑾題稱近該禮部奏准天下歲貢生員行移翰林院考試臣等欽遵出題彌封考試過上等五十卷上中等四十五卷中等六百四十

一卷俱堪作養下等五十九卷文理疵謬例該發回原學肄業仍令該提學官照例取招問罪以警將來謹將各卷通行封進伏乞

御覽定奪等因抄呈到部為照會考歲貢生員事例既屬巡按御史會同布按二司及提學官公同舉行則貢舉非人自當均受其罰况一名以上提問五名以上降級似乎立例太嚴提學官緣此畏罪其弊必至於有不敢起貢之處竊恐偏方下邑遂至無人應貢則學校之政益致廢墜教化之源由是湮塞昨奉

欽依止摘考退五名以上降級之例獨坐提學官而  
一名以上例該提問者未奉

明示但二例俱屬先行相應遵照先前明

旨一體施行除將各省提學官例該降級者咨送吏  
部降級別用外其各省黜退生員一名以上者  
各該提學副使僉事等官仍從本部開查職名  
叅送都察院轉行各該巡按御史照例行提取  
招問罪發落但南北直隸提學官係監察御史  
所據犯該提問者合無從兩京都察院行提問  
罪再照欽奉

勅諭內事理各處歲貢生員照例止將食糧年深者  
嚴加考試不必會官如果年深者不堪克貢就  
便照例黜罷却將以次者考克務要通曉文理  
方許起送赴部布政司按察司及巡按御史不  
許侵越提督者職事如此庶使責任專重可以  
自効即被譴罰當亦無辭矣其見犯該提問降  
級者合無俯從本部議擬將嘉靖十一年分者  
如例提問降級其係嘉靖十年以前者免究惟  
復不拘年分與事例有無先後一槩施行及照  
先次題

准在外考貢不中生員願告衣巾終身者聽於提學道應貢到京廷考不中者願告冠帶榮身聽於本部俱照例准行合無今次廷考不中願冠帶榮身者准給冠帶以慰其末路無聊之情其邊遠地方學校生員

朝廷作興事例原與中土不同是以有免考送監之例有從便舉貢之例有選身才不限文字之例每每寬其條格以開其進取之路今若一例發回原學肄業則道路遙遠資費艱難况多有携挈妻子來京進退往返委的窮蹙難處合無

將雲南貴州四川兩廣及西北邊方不分有司衛學凡廷考不中准令在京候下次覆考一次庶不失

祖宗曲成人才之道法等因覆奉

聖旨歲貢會選事宜俱係

祖宗舊例已都有旨了巡按及二司官雖係會同考選但提學官職專提調近來曠職日甚以致貢非其人責實難辭五名以上的降級照前旨行三名以上的提問俱自十一年為始南北直隸提學并遼東帶考御史看兩京都察院提問考退生員原

無覆考事例不准願告冠帶并衣巾終身的依擬  
欽此

議請封二十三

一嘉靖十一年九月內禮部題查得見行事例凡  
宗室將軍中尉一應子女俱候十五歲選婚其  
有年歲不同或庶出生母入府來曆不明通行  
駁勘所據前例遵行已久但近來各府長史司  
多違法守任意遷延或有使用不敷營求未及  
則子女年歲過例方與類

請乞 恩其奏內來文又多年月不同母氏錯誤至

於應婚夫人姓氏或本到無結結至無本互相  
背馳延緩以致查駁之間動經年歲遂使  
聖明渥澤鬱而不流宗室至親怨曠失所題奉

欽依今後行令各 王府長史司啓 王知會今後  
將軍中尉子女年歲已及即與具

奏請婚若奏內來文或年歲少差母氏未的本部  
一面駁行查勘一面聽令選擇應婚子女一併  
開具

奏請夫人奏結不齊候至三月以上者俱聽本部  
查考得出奏將該府長史司等官究問



禁奸弊 二十四

一嘉靖十一年九月內禮部題訪得各王府差來內使儀賓官校人等俱是積年光棍熟知誑騙關節一蒙 王府差遣乞

恩等項即便設計誑受金帛數多任意花銷使用或有收置土產徃徃買賣填實表文箱扛分外需索人夫接運以致累損驛傳及至到京先投積年窩戶窺探進止然後報名朝見或又私自潛住京師動經年月徃徃用計營求打點各

王府不知本部凡遇合行事宜自有公道一應公務自有事例期限非吏書人等所能預力題奉欽依通行各處撫按衙門轉行各 王府長史司啓

王知會今後但遇有公事奏理不得聽信差來人役多齎金帛指稱來京使用打點亦不許本役私帶銀兩貨物其批文務要定限月日遠近銷繳到京之日徑報入會同館安歇事完即回如有潛住日久并在京各色人役容令安歇通同作弊者許廠衛緝事衙門及五城兵馬訪拏俱各指實叅送法司問以誑騙打點罪名仍行都察院出榜禁約

便關領 二十五

一嘉靖十一年九月內禮部題照得各王府將軍以下應得冠服等件已該本部議處題

准嘉靖六年正月以後授封者行令各該布政司給錢造辦外嘉靖五年十二月以前授封未曾關

領者其器物非一監局所造關領非一時可齊是以各府往返差人勞費日甚差來人役守候

王日又有將關領出金銀彩段等項恣意花費無從補從查考遂使

朝廷有成造之費而該府無受惠之實相應議處

題奉

欽依通行各該布政司轉行長史教授啓

王知會逐一備查自嘉靖五年以前授封該府將

軍中尉夫人等及郡縣鄉君儀賓一應宗室除

已關領外其未領并先年遺下寄關物件逐一

開具名位應得冠服等項件數造冊印鈐限嘉

靖十二年春季類奏之時齎送赴部內府盡數

查會明白陸續造完待本年各府冊封之日將

前項物件領出給與副使順帶該府其不係冊

封府分應該關領者責令該府所差

聖節冬至慶賀人員順齋前去該府俱各逐一交割  
仍令各該長史教授啓

王將領過錢糧數目給散過名位造冊奏繳以憑  
查考但節年工部行造物件係是內府各監局  
造辦本部無憑查催仍乞

勅各監局查照該部原行一一造辦給領如有延緩  
查出一體參究

杜請乞 二十六

一嘉靖十一年九月內禮部題照得  
王府孝行等事舊例止應請

勅獎勵弘治十八年十二月內該魯府奏鎮國將軍  
陽銖陽鑿孝行可嘉欲自備工料各建坊門乞  
賜刻名荷蒙

特恩賜允自此始開旌表之端而

親王將軍妃與夫人遂往往援引前例請乞不已  
切惟

朝廷于民庶之家凡有節孝等行賜之旌表所以  
表其宅里以致特異于齊民之意至於天下

王府則皆朱垣戟門有不俟于旌表而後異者況  
朝廷降 勅獎勵蓋以親親之懿特形天語之表

非宗室孰克當此故累朝以來宗藩善行止是  
寫勅獎勵不立坊碑所以崇重宗室辨別貴  
賤立法最有意義且天演之喬孰非懿德若  
使有所表異分別既殊則淑慝互見亦非敦睦  
大同之道况今藩日蕃衍樂善無窮若不斷之  
於今切恐將來無有紀極合行議處題奉  
欽依今後各王府如有節孝等事及卓異行跡  
親郡王或撫按官查奏前事本部俱照舊例請  
勅獎勵仍通行天下王府今後不許奏立坊碑  
定條例

一嘉靖十一年九月內禮部題查得弘治十三年  
三月初二日已前多官奉

詔會議王府條例十七條及本部題

准事例不一俱遵行已久但見行條例載在刑書節  
年條例藏於案牘雖經屢次申明不過就事論  
事以故各宗枝不能周知事例惟務營求本部  
事例日煩難於檢閱題奉

欽依將王府見行條例及節年題

准事例編成書帙請下廷臣集議如或可行具奏刊  
刻成書本部遵照施行仍乞遍賜各王府宗

室使皆便於誦閱有所遵守其本部別項條例  
可行事件亦容臣等逐一抄謄纂錄一體刊刻  
遵奉則

朝廷真明之法恪慎不移有司畫一之規奉行惟  
謹

議王謚二十八

一嘉靖十一年九月內禮部題臣等看得各  
王府

親郡王薨故必有謚號以表其行舊制俱於乞  
恩祭葬之時即賜以謚弘治年間唐王奏

凡

親王薨逝行撫按分巡等官 郡王病故行本府  
親王及承奉長史等官各覈勘善惡事蹟至日度  
其賢否方賜以謚至今通行遵守但各王乞

恩祭葬到部方與行文各該衙門覈勘事蹟回報至  
日題

請謚號填寫銘旌前去始得安葬且如四川 蜀府  
廣西靖江王府俱路途寫遠文移往返動經逾  
年差去掌行喪葬禮儀行人在彼守候葬畢方  
得回還以致徃徃乞

恩寬限且有司供應之繁本差耽延之久未免耗費財力多生嗟怨矧各王府

親郡王棺木暴露動經歲年亦足以上干和氣深為不便題奉

欽依今後但遇各王府

親郡王薨故本府一面乞討祭葬一面行移各該衙門覈勘平生行實不必候本部行文徑自具結呈部以憑具題

請謚

懷遠人 二十九

一嘉靖十一年九月內禮部題照得我

朝輿圖一統四夷來賓厚往薄來各有定制頃自正德年間以來貪官猾胥緣此為市所收段疋布絹稀鬆紕薄不堪服用夷人往往投遞番文鳴號不平輒稱

先朝賞賜甚厚今日賞賜太薄雖節年經本部題請行移工部并該監局衙門查處去後但所賞者仍舊不堪無以厭服夷心尊重

國體所係甚大題奉

欽依 勅令工部遵照前

勅申明轉行各該織造地方巡按衙門應解段疋時  
 節行委的當官員看驗務要經緯堅緻堪以進  
 用者方許起解若各處解到者仍復稀鬆紕薄  
 即行退回經該官匠定行提問收納之際經該  
 衙門不許勒指常例貽害小民凡遇各夷到館  
 奉 旨給賞關領該監毋得推調淹滯以致夷  
 人久住致生怨嗟

處貢馬 三十

一嘉靖十一年九月內禮部題照得天下各

王府凡遇

聖旦 冬至 正旦并謝 恩慶 賀例有馬匹送

貢本部先准御馬監奏為進 貢馬匹不堪廐養

特預畫以省虛費 國計事奉

欽依務要到部辯看毛齒堪中方行送監驗收已經  
 遵行三四年矣但各 王府享上之誠雖同而  
 其遠近貧富不一加以差來人役多係積年或  
 領價到京旋買或領馬中途變易事完回府又  
 稱雜費百計侵剋間有不堪驗退者未免行移  
 責備該府是利歸奸人罪坐宗親甚非事體題  
 奉

欽依行移各 王府長史司啓 王知會今後應進

貢馬匹須用印烙鈐記仍將毛齒尺寸備造青冊

一本長史司印封送部以憑比對看驗即與轉

送該監收受毋得留難勒指拾分求全以拂

朝廷親親之情如或馬匹毛齒參差與原造青冊

不同即是差來人役作弊定行究治

貢夷稱王 三十一

一嘉靖十一年十月內禮部題該總制都御史唐

龍題准甘肅鎮巡等官趙載等會查得正德十

三年有北山哈辛王差使臣土魯孫等通路進

貢今日哈辛即前日哈辛彼時稱北山則方隅也

今稱額即的則地名也即此而論則是額即的

哈辛雖非原進

貢番夷已於正德十三年進貢一次乞

勅該部再加酌議合無准令照依撒馬兒罕等事例

量與來使之中起送數名以示柔遠人之意若

以名稱尚殊詐冒難免亦行鎮巡官以禮遣回

給過軍人馬匹仍要平價其價值酌於夷情參

以事例通行奏請取自

聖裁等因抄呈到部看得總制都御史唐龍題稱據



甘肅撫夷百戶沙文等譯審得哈辛王差來正副使火者皮例等供稱本夷原係撒馬兒罕地面人分在北山地名額即的寄任先曾已經進貢意欲照例量行起送臣等檢閱堂稿當年番文所稱哈辛王差來使臣土魯孫等實未嘗到京今據其詞未可輕信若許其入貢則撒馬兒罕載在會典見今已行照例起送夷使火者馬黑麻等在途并存留男婦共一百六名口豈有一國而二王一次而兩起進貢之理况既譯審係撒馬兒罕地面人分在北山寄住緣何不將撒

馬兒罕進貢夷使對審明白既稱寄住北山則即撒馬兒罕部落豈可擅自稱王擅求入貢倘因容貢之後他日與撒馬兒罕抗衡爭長兵連禍結責將誰歸但係該邊守臣失於稽查覺察遂將所進馬匹已行給軍騎操今守候日久似難遣回合無暫照撒馬兒罕事例量行起送數人赴京其餘存留在邊聽候給賞以全朝廷柔遠之道往後入貢年分止許附搭撒馬兒罕同來不許別稱王爵自分國土有違國典再照鎮巡等官先因諸夷入貢名種殊常番

文繁疊便當加詳譯審研究來歷備稽

國典遵照事例處分爲是今既失策於前事遂難處於後既不能深察夷情又不肯力扶國體則邊方重寄所賴何人合行鎮巡官今後務要慎重邊防保全大體毋或好大喜功召侮啓釁斯爲禦戎上策但朝貢之禮事屬本部體統名分不敢不嚴其守邊馭夷之道責在邊臣非臣等所能知也仍乞申

勅總制官重加省諭庶人知警飭事出萬全裔夷畏服而中國常尊矣題奉

聖旨這夷人既守候日久今次暫准照例量起數人入貢以後只着附搭撒馬兒罕進貢不許別稱王爵有違

國典還說與總制并鎮巡官員今後遇有諸夷入貢務要詳加譯審遵照事例處分勿得輕易許納致虧

國體欽此

請禁沙汰生員 三十二

一嘉靖十一年十月內禮部題該吏科都給事中李鳳來等題稱近來提學官遵奉新例沙汰生

員奉行過刻乞要弘文教憫遺才等因抄呈到部臣等竊惟教化者治世之首務而學校者人才之所出也求之必廣而養之以豫故上有隨才成就之仁而下無甘於自棄之患古之治朝所以或增廣大學諸生或增至學官弟子員書之史冊俱爲一時盛事

皇上聖德中興銳情教化而建議之臣乃創爲沙汰生員之例其提學官承望風

旨奉行太過將所該管府衛州縣學生員或有未經考校輒據一時風聞訪察及點名不到等項名目將在學生員不分年少可進及文行無玷之人一槩盡行降黜毀譽失真賢否莫辯良才竟遺于寸朽斬伐先速於萌芽堙塞化源沮喪士氣深爲可惜今據給事中李鳳來等所陳實係振舉文教愛惜人才至意相應酌擬覆奉

欽依通行天下撫按衙門行令各府衛州縣除經提學官歲考以文理不通黜退過生員照例罷出外其奏例沙汰之名及一時點名訪察遽爾遞降黜退者盡行收錄造成青冊一本候新任提學官至日通行起送查明復學肄業候歲考之

時與在學諸生一體嚴加考試如果年力衰邁  
文詞疵謬方行黜退其文學稍通年資可進者  
一體作養

領勅繳勅不免朝 三十三

嘉靖十一年八月內禮部題該鴻臚寺題為申

鳴舊例請

宸斷以便遵守事及與通政使司彼此辯爭前後肆  
奏本部仰遵

聖諭備查

典章俱經議擬明白復查得今年正月間因

聖體違和暫免

朝參該寺題稱免入朝日又一應領

勅繳勅人員若俱於

御前面奏恐

聖體於視朝之初起數太多未免煩勞欲要暫於左  
順門領繳等因奉

聖旨是欽此本部看得該寺原題止是一時權宜未  
嘗擬為定例近日以來一應領

勅繳勅并例該面辭面見人員但偶遇陰雨免

朝之日該寺即令赴左順門繳

進此則甚非

祖宗舊制况非該寺原題本意本部因覆奏前事合就題請今後領

勅繳勅例該面

辭面見等項雖遇免朝仍候

視朝之日面奏所以重體統而防壅隔其所關係未

為輕小適聞奉

旨免朝日期領

初繳勅等項不係重大事情照該寺題

事例行欽此臣伏讀

綸音不勝疑駭竊意本部題覆之章因司事者互

相構論言語煩多恐未經

聖覽前項

旨意恐出閣臣一時票擬未曾注意臣竊謂

朝廷差官

降勅未有不係重大事情且

頒勅必於

御前所以重

皇命可以防詐傳旁出之姦繳

勅必於

御前所以達下情可以防遲留隱匿之弊至於禮該  
面辭面見人員即遇免朝日期豈不能少  
待而遽然廢上下之禮殆非臣子之心所敢安  
者以此為不係重大事情則

御前進奏之事無復有重大於此者也且

御前與

勅上勤天語

陛下慎重絲綸特令翰林院學士捧下今乃以為不  
係重大事情恐非所以仰承

聖謨矣臣實愚昧不通遠猷

廟堂批答必有深意但在廷臣工本部僚佐議與臣  
合非臣一人私見伏乞

聖明於該科取本部原題特加省覽仍賜問閣臣所  
以票擬之意萬一臣有所見於

朝廷大禮不為無補伏望

聖裁重降御批改回前

命則宗社幸甚等因題奉

聖旨卿說的是勅書領繳見辭官員都照舊例行如  
遇雪雨風寒暫三五日免視朝都着候待若  
朝廷小有不豫免朝日多准今春該寺

奏准事例行著爲令欽此

辭免賞賜 三十四

一嘉靖十一年十一月內禮部題該巡按貴州監

察御史周禕奏爲

欽蒙 恩賞乞容辭免事嘉靖十一年九月初九日

承差汪漢齋到

欽賞臣紵絲一表裏寶鈔一千貫寵賜自

天戰皇無地臣竊惟日者拒賊剪屠其民拽兵肆惡

前巡撫都御史劉士元巡按御史郭弘化等請

加

天誅仰賴

皇上神化威靈軍旅纔加京渠卽殄臣猥承交代弘

化之日適會成功其於始謀未嘗少與此循故

事

上奏因牽聯臣名詎期

鴻賚之頒遠蒙誤及臣感戴驚惶慙慙無措顧無功

而冒賞致有跡以自欺伏祈

天恩容臣辭免庶幾微臣之心獲安而賞典所加愈

勵矣是以臣愚不敢避煩瀆之誅

上陳懇辭等因本部看得御史周禕奏要辭免

賞賜一節因見本官處心廉讓不敢自有其功之意但查有前項勞績已經兵部議擬題奏

欽依給賞乃係

國家彝典似難准辭再照近來各處受賞官員不以誠體

陛下褒功至意往往循習故事輒具疏辭免煩瀆

天聽且差人齎進往返道路糜費供億非惟辭涉不情抑且有乖大體合無通行各該地方撫按等

官除有誤

恩濫及應該辭免者自合照例辭外其餘有功人員

既經覈實該部題奏

欽依禮所當受者今後止許具本稱

謝毋得輒復辭免以示虛文違者許禮科叅究其今次御史周禔辭免賞賜合無行令祇領惟復

聽其辭免奉

聖旨周禔已賞了不准辭近來受賞官員往往具辭委的煩擾依擬行各該地方撫按等官今後有功人員該賞的止許具本稱謝不必辭擾欽此

陵寢祭祀 三十五

一禮部題為




陵寢祭祀事奉

聖旨是 顯陵

二聖忌日并春秋二時祭祀遣鎮守湖廣勳臣行禮

如無着都督僉事蔣華代承為定規奉祀官遵制

增設欽此



聖

孫

